

Likotlo tse Supileng tsa Ho Qetella



SABATHA MANTSIBOEA

Bakeng sa thuto ea Beke ena, Bala:

Tšen. 15:1; 7:1–3; 14:9, 10; 16:1–12; 17:1; Daniele 5; Tšen. 16:16; 2 Ba-Thess. 2:9–12.

Temana ea Khopolo:

“‘Ea sa tl’o u tšaba ke ha e le mang, Morena? A sa tl’o tlotlisa lebitso la hao ke mang? Hobane ea halalelang ke uena u ’notši. ‘Me lichaba tsohle lit la tla, li khumame maotong a hao, kahobane likahlolo tsa hao li beiloe pepeneneng’” (Tšenolo 15:4).

Tšenolo 11:18 e akaretsa tukisetša ea nto ea ho qetela khahlanong le masala a Molimo tjena: “‘Lichaba li ne li halefile.’” Nako e ne e fihlile hore Molimo a arabele khalefong eo ka ho tšollela khalefo ea oona, lokotlo tse supileng tsa ho qetela (Tšen. 15:1), holima bas a bakang. Tšenolo 15 e bula ka setšoantšo sa mangeloai a supileng a tšoereng linkho tse supileng tse tletseng khalefo ea Molimo. Empa pele tšollelo ena e etsahala, setšoantšo sa batho ba Molimo ba tšepahalang sea hlalisoa (Tšen. 15:1–4). Ba hlalosoa ba hlotse sebata le setšoantšo sa sona, ba eme holima ho hong ho kang leoatle la seipone, ba bina pina ea Moshe le konyana—tšoantšiso eohle e nkile ho ba-Heberu mabopong a leoatle le lefubelu, ba keteka tlhoho ea Molimo holima ba-Egypta (Exoda 15).

Bakreste bana ba hlotseng ke bona bane ba 144,000 ho Tšenolo 14:1–5. Ka ho hana letšoao la sebata, ba sireletsoa tlhokofatsong ea likotlo tse supileng tsa ho qetela. Ha morao ba tla feta phetohong ea ‘mele ea bona e shoang (1 Ba-Kor. 15:51–54) ‘me ba tla kopana le bahalaleli ba tsohileng bafung ha Jesu a tla ka matla le ka khanya (1 Ba-Thess. 4:17).

**Ithute thuto ea beke ena ho lokisetša, 16 Hlakugele.*

Se Boleloang ke Kotlo tse Supileng tsa Ho qetela

Nakong ena, batho ba entse ka kutloisiso khetho ea bona e ka ba bakeng sa Molimo kapa Babylona. Kreste joale o se a ikemiselitse ho tla. Pele a tla, leha ho le joalo, meea e senyang e sale e thibelo (Tšen. 7:1–3) joale ea lokolloa.

Bala Tšenolo 15:1 'moho le Tšenolo 7:1–3 le Tšenolo 14:9, 10. Ke joang likotlo tsa Egepetla, li nkoang e le litšoangtšoang le likotlo tsee, 'me e le likhalemelo ho latela sepheo seo li se bolelang?

Likotlo tse supileng tsa ho qetella ho thoe ke tsa ho “mapomela” hobane li tla ka mora likotlo tsa literompeta tse supileng. Literompeta li nka nako e kenyeletsang nako eohle ea Bokreste 'me li lekanyelitsoe. Litsoela pele nakong eo evangeli e ntseng e rutoa (Tšen. 10:8–11:14) 'me bo buelli bo ntse bo tsoale pele (Tšen. 8:2–5). Likopane le mohau, 'me sepheo sa tsona ke ho tlisa lira tsohle tsa batho ba Molimo pakong. Ka lehlakoreng le leng, likotlo tse supileng tsa ho qetella li tšolleloa pejana ho ho khutla la bobeli, 'me tse ling li nka lefatše kaofela. Li oela holima feela bao, joalo ka Faro, ba thatafalitseng lipelo tsa bona 'me ba sa bake (sheba Rev. 16:11). Khalefo ea Molimo ke karabelo khethong eo batho ba e entseng (sheba Ba-Roma 1:26–28), 'ba lahlehileng joale ba kotulo litholoana tsa liqeto tsa bona.

Bala Tšenolo 15:5–8 'moho le Exoda 40:34, 35 le 1 Marena 8:10, 11. Polelo ee ea hore “me ho ne ho se ea kenang tempeleng” (Tšen. 15:8) e bolelang ka nako ea likotlo tse supileng tsa ho qetella?

Polelo “me ho ne ho se ea kenang tempeleng” (Tšen. 15:8) e supa ho koaloeng ha Mohau. Ha bosebeletsi ba Kreste ba bobuelli leholimong bo fihla qetellong, monyako oa monyetla oa pako qetellong oa koaloa. Sena se bontša hore likotlo tsa ho qetela ha li na ho tlisa pako, empa e le ho beha pooaneng bothata ba lipelo tsa ba nkileng lehlakore le Babylona, tse susumetsa hore ba hloee Molimo le ho feta.

Sheba lefatše kajeno, le ntseng le tlo fetella. Taba ea hore likotlo li liehisitsoe ha kale e re ruta eng ka mohau oa Molimo le mamello?

Ho Oela ha Likotlo tsa ho Qetela

Ka ho khaotsa ha bobuelli tabernakeleng ea leholimo, qetello ea mong ka mong ka ho feleng e tiisitsoe. Nako e tlile bakeng sa bao ba latotseng Evangeli ho ka utloa khalefo ea Molimo ka botlalo. Likotlo tse supileng tsa ho qetela li tšoana le likotlo tse oetseng Egepeta (Exoda 7–11). Joalo ka ha likotlo tsa Egepeta li oetse ho ba-Egepeta e seng ho ba-Iseraele, joale likotlo tsa pele tse 'ne li ama barapeli ba sebata, li pota kathoko barapeli ba Molimo. Likotlo holima Egepeta li senotse bothata ba pelo ea Faro le ho bontša ho hloka thuso ha melimo ea bona ho ka ba sireletsa. Ka tsela e tšoanang, likotlo tsa ho qetela tsa ntšetsa pele ho thatafatsa lipelo tsa barapeli ba sebata le ho senola ho hloka matla ha Babylona ho ka ba sireletsa kahlolong ea leholimo.

Bala Tšenolo 16:1–11. Ho etsahala eng mo, 'me e senoloa joang?

Likotlo tse 'ne tsa pele li otlatho batho ba lefatše ka kakaretso. Ea pele e tlisa bohloko le liso ho barapeli ba sebata feela. Kotlo ea bobeli le ea boraro li ama leoatle, le linoka, le liliba tsa metsi, tse fetohang mali. Ntle le metsi a ka nooang, batho ba koenehileng ba ke ke ba phela. Kotlo ea bone e ama letsatsi e le hore le chese batho, ka bohloko bo tšabehang. Bohloko bo tšabehang bo tlišoang ke likotlo ha bo nolofatse lipelo tsa batho e le ho fetoha bokoenehing ba bona. Ho e-na le hoo, ba nyefola Molimo, ea ba otlang ka likotlo tseo. Ha ho le ea mong oa bona ea bakang.

Ho Tšenolo 16:10, 11 (sheba hape Exoda 10:21–23) re ka bona hore kotlo ea bohloko e otlatho terone ea sebata. Ke Satane ea neheleneng ka terone ho sebata (Tšen. 13:2). Joale le borena ba Satane bo sitoa ho emela matla a likotlo tsena. Ha batho ba utloa bohloko, ba lemoha ho hloka thuso ha Babylona hoba sireletsa. Leha ho le joalo, ba se ba qetile le likelello tsa bona khahlanong le Molimo, 'me bobele ba likotlo bo ke ke ba fetola lipelo tsa bona.

Ke joang re ipolokang re le haufi le Morena ho lekana hore ha tsietsi e re tlela, e be re tseba ho lekana ka lerato la Molimo ho mo tšepa le hara matšoenyeho?

Ho Mpsha ha Noka e Kholo ea Euftrate

Bala Tšenolo 16:12 'moho le Tšenolo 17:1 le 15. Setšoantšo sa Euftrate se emela eng? Boleloang eng ka ho mpsha ha Euftrate malebana le likotlo tse supileng tsa ho qetella?

Testamenteng ea khale, Euftrate e ne e le tšehetso ea bohlokoa ho lira tsa Iseraele, Babylona le Assyria, (Esa. 7:20, Jer. 46:10). Noka e ne e feta hara motse oa Babylona 'me e ne e le bohlokoa motseng hobane e ne e noesetsa lijalo le ho fana ka metsi ho batho. Babylona e ne e ke ke ea phela ntle le metsi a noka ea Euftrate.

Tšenolo 17:1 e hlalosa Babylona oa nako ea bofelo a lutse holima metsi a mangata, mohlomong ho buuo ka Euftrate (sheba Jer. 51:13). Tšenolo 17:15 e hlalosa ka hore metsi ao Babylona oa nako ea bofelo a lutseng ho oona ke batho ba o tšehetsang; puso ea lefatše ka bophara, matla a lefatše le a sepolotiki a sebetsang ka mora eona. Leha ho le joalo, matla ao a tla hula tšehetso ea oona qetellong. Pono ea kotsi ea botšelela e senolla ho tšoaroa ha Babylona oa mehlang ke Cyruse oa Persia (sheba Daniele 5). Ho latela ranalane oa mehlang Herodotus, ka bosiu boo morena Belshazare le matona a hae a neng a na le mokete, ba-Persia ba khelosa noka ea Euftrate le ho kena motseng ka mocha oa noka, ba hapa motse ka thutsoan'a 'mooana.

Tšoantsetso ea ho mpsha ha Euftrate ho Tšenolo 16:12 ke litla morao tsa ho oela ha Babylona oa mehla ea ho qetela. Kaha Euftrate ho Tšenolo e emela matla a bofefatše, le a sepolotiki ka ho fana ka tšehetso ho Babylona, ho mpsha ha Euftrate ho tšoantša ho hula tšehetso ha bona le tlaselo e latelang khahlanong le Babylona, e ba ke ho oela ha eona. Ha batho ba lefatše e ba lipaki semelo seo sa phetoho e kholo (sheba Tšen. 16:10, 11), ba mathela ho Babylona bakeng sa tšireletso. Leha ho le joalo, ha kotsi ea bohllano e otlala setulo sa matla sa Babylona, ba bona bofela ba ho batla thuso moo. Ka ho utloa ba thetsitsoe, ba fetohela Babylona, e ho e lihela (sheba Tšen. 17:16). Empa, joalo ka ha re bone, lipelo tsa bona li sala li ntse li thatafetse khahlanong le Molimo le sechaba sa hae. Ka hoo ba fetoha mobu o manoni bakeng sa thetso ea ho qetela eo ka eona Satane a tla hulela lefatše ntoeng e kholo khahlanong le Molimo.

Ke ka litsela life u ithutileng hore na ho kotsi ha kae ho beha tšepo ea hao ho bathong le litsing tsa batho?

Thetso ea Qetela ea Satane

Tšenolo 16:12 e re bolella ka sepheo sa ho mpsha ha Euftrate e le ho lokisetsa “marena a tsoang bochabela”. Testamenteng ea Khale, “marena a tsoang bochabela” e ne e le Siruse le makhotla a hae khahlanong le Babylona (Esa. 41:25). Tlholo ea bona ho Babylona e ile ea etsa hore sechaba sa Molimo se khutlele lefatšeng la sona (Esa. 44:27, 28). Ka tsela e tšoanang, ho mpsha ha tšoantšetso ha Euftrate ho lokisetsa ho tla ha marena a hlahang bochabela ho tliša topollo bakeng sa sechaba sa Molimo sa mehla ea ho qetela.

Marena a hlahang bochabela ho Tšenolo 16:12 ke Krete le makhotla a hae a ba tšepahalang. Ha Jesu a tla khutla ka mangeloi a leholimo, Tšenolo 17:14 e bonahatša hore ntoea ea ho qetela e tla kenyeletsa Krete le ba hae ba tšepahalang khahlanong le makhotla a satane. Ho Tšenolo 19:14, Jesu o eteletse makhotla a leholimo a “apere line e ntle e tšoeu e hloekileng”, eo e leng seaparo sa monyaluoa oa Konyana ho Tšenolo 19:8. Ka ho tšoanang lefatšeng, ho Tšenolo 7, ba 144,000 ba tšoantšoa e lebotho le tlang ho kena ntoeng ea ho qetela.

Bala Tšenolo 16:13, 14. Mosebetsi oa matemona a mararo a kang lihofoana tokisetsong ea ho ntoea ea ho qetela ke ofe? Ke joang e leng ho etsisa ha satane ha melaetsa ea mangeloi a mararo a Tšenolo 14?

Ho mpsha ha Euftrate ho sisinya boraro ba Satane. Motsotsong ona, Johanne o bona ho tsoa molomong oa bona meea e meraro ea matemona e kang lihofoana. Lokotlong tsa Egepete, lihofoana e bile kotlo ea ho qetela eo lingaka tsa Faro li ileng tsa khona ho e etsisa (Exoda 8:1–15). Meea e meraro ea matemona e kang lihofoana ke teko ea ho qetela ea Satane ho etsisa mosebetsi oa Molimo.

Meea e meraro ea matemona e tsoa “molomong” oa boraro ba bo-Satane e le teko ea ho qetela. Satane o e fa matla a ho etsa mehlolo e supang mesebetsi ea sebata se kang konyana (sheba Tšen. 13:13, 14), e kenyeletsa tšebetso ea meea. Meeka le mehlolo karolo ea thetso ea Satane ea ho qetela ho susumetsa batho ba lefatše ho mo latela ho e-na le Molimo oa 'nete (2 Ba-Thess. 2:9–12).

Meea e kang lihofoana ea matemona e romeloa ka Evangeli ea bohata ho hohella lefatše ho ikopanya le bona ntoeng khahlanong le sechaba sa Molimo. Leha ba nyahame, baetapele ba lefatše ba hoheloa hape, 'me ba inehela ho Satane khahlanong le Molimo. Motsotsong ona, sebae joale se lokile bakeng sa ntoea ea ho qetelae lebisang bofelong ba lefatše lena, ntoea eo e tsejoa e le Amagedone.

Ho phuthehela Ntoa ea Ho Qetela

Bala Tšenolo 16:16. Thetso ea ho qetela ea Satane e tla atleha ho le ho kae ho phutheng batho ba lefatše bakeng sa ntoa ea Armageddone?

Mehlolo ea thetso ea matemona e tla fihlela katleho ea lefatše ka bophara. Ka ho latola evangeli ea 'nete, batho ba lumela leshano le tsamaea le mehlolo ea thetso (sheba 2 Ba-Thess. 2:9–12). Ba phutheha hammoho sebaleng sa tšoantšetso, seo ka se-Heberu se bitsoang Armageddone, e leng “thaba ea Megiddo.” Megiddo e ne e le qhobosheane e neng e fumaneha phuleng ea Jezrele (kapa lehoatata la Esdraelone) mosikokong oa thaba ea Karmele 'me e ne e le sebaka se loketseng. Lehoatata la Esdraelone le ne le tsejoa ka lintoa tse kholo nalaneng ea Iseraele (sheba Baahloli 5:19; 6:33; 2 Marena 9:27; 2 Marena 23:29, 30).

Tšenolo e sebelisa khopolo ena ea nalane ea Iseraele ho bolela ntoa ea ho qetela, e bitsoang ea Armageddone, lipakeng tsa Molimo le makhotla a bobele. Batho ba lefatše bo bontšoa e le lebotho le kopaneng tlasa boetapele ba satane. Thaba ea Megiddo e bonahala e bolela thaba ea Karmele, e leng haufi le motse. E ne e le sebaka sa e 'ngoe ea lintoa tse hlabeletseng naleng ea Iseraele, e amanang le moporofeta Elia le baporofeta ba Baale (1 Marena 18). Taba kholo e ne e le potso ea hore na le mang eo e leng Molimo oa nete. mollo o ileng oa theoha leholimong o ile oa bontša hore Morena ke eena Molimo oa 'nete, le hore ke eena feela ea loketseng ho khumamelo. Tšenolo 13:13, 14 e bontša sebaka se nyolohang lefatšeng se nyolla le ho theola mollo leholimong hgo etsisa mosebetsi oa Molimo le ho thetsa lefatše kaofela.

Amagedone ha se ntoa ea sesole e tla loana kae kae bochabela bohareng empa ntoa ea semoea e lipakeng tsa Krete le matla a lefifi (sheba 2 Ba-Kor. 10:4). Taba e lokela ho rarolloa le hona hang e be ke phetho ntoeng ena ea ho qetela e malebana le hore na ke mang eo e leng morena oa tlhohle eohle. Litholoana tsa ntoa ena e tla ka tsa Karmele—tlhoho ea moshoelella ea Molimo holima makhotla a lefifi.

Ka lilemo tse ngata, batho e sa le ba shebeile matleng a lipolotiki le sesole bochabela bohareng e le pontšo ea bofelo ea Armageddone. Ho sa natsoe bolepi bo bongata, le ho beha linako, Armageddone joalo ka ha ba ne ba lekantse ha e so tle. Ke joang re ka itšireletsang ho etseng liphoso tse tšoanang malebana le botoloki ba liketsahalo tsee tsa lehae e le ho phethahala ha boporofeta ba Bibelet?

Khopolo e Eketsehileng:

“Lipono tse tšabehang tsa matla a fetang a botho haufinyane li tla bonahala maholimong, ke tšebetso ea matla a matemona a etsang mehlolo. Meea ea matemona e tla tsoa ho ea ho marena a lefatše le lefatše ka bophara, ho ba kopanya thetsong, le ho ba susumeletsa ho ikopanya le Satane khohlanong ea hae khahlanong le ’muso oa leholimo. Ka lisebelisoa tseena, babusi le babusuo hammoho ba tla be ba thetsitsoe. . . . “E le ketso eo e leng hlora ponong ena eohle ea thetso, Satane ka sebele o tla nka sebopeho sa Krete. Kereke ka nako e telele e sa le e bolela e lebeletse ho khutla ha mopholosi la bobeli e le phethahatso ea tšepo ea eona. Joale mothetsi e moholo o tla etsa eka Krete o se a tlile. Likarolong tse fapaneng tsa lefatše, Satane o tla iponahatsa hara batho e le sebopuoa se khanyang haholo, ho tšoana hantle le tlhaloso ea Mora oa Molimo e fanoeng ho Johanne ho Tšenolo. Tšenolo 1:13–15. Khanya e tla beng e mo potile e tla be e fetisa sohle seo leihlo la motho ea shoang le kileng la se bona. Mehoo ea tlhoho e utlohala seabakeng: ‘Kreste o tlile! Kreste O tlile!’ Batho ba oele ka mangole fatše e le ho mo khumamela. . . . Ka lentsoe le bonolo, le kutloelo bohloko o bolela tse ling tsa linnete tse monate tsa leholimo tseo mopholosi a kileng a li bolela; o folisa maloetse a batho, ’me e be, ka sebopeho sa Krete se ikhakantseng, o bolela hore o fetotse Sabata ho e isa ho Sontaha, le ho laela batho bohle ho halaletsa letsatsi leo a le hlohonolofalitseng. O phatlalatsa hore ba phehellang ho boloka letsatsi la bosupa le halalela ba nyefola lebitso la hae ka ho hana ho mamela mangeloi a hae a rometsoeng ho bona ka leseli le ’nete. Ene ke thetso e matla, e fetisang.”—Ellen G. White, *The Great Controversy*, p. 624.

Lipotso tsa Puisano:

- 1. Bala keletso ea Jesu ho Tšenolo 16:15 e kenyelelitsong tlhalosong ea tokisetso ea ntoea ea Armageddone. Ela hloko ho tšoana ha mantsoe boipiletsong ba pejana ba Krete kerekeng ea Laodicea (Tšen. 3:18). Ke joang see se bontšang bohlokoa ba molaetsa oa batho ba Molimo ba Laodicea ba phelang nakong ea tokisetso ea ntoea ea ho qetela? Ke ka tsela efe molaetsa oo o tlang ho uena ka kotloloho?**
- 2. Seaparo se sesoeu ho Tšenolo se tšoantša ho loka ha Krete (Tšen. 3:4, 5; 19:7–9). Ke bao feela ba apereng seaparo sa Krete ba tla khona ho ema tlokotsing ea ho qetela. Ke joang motho a etsang hore seaparo sa hae se be sesoeu le ho hloekisoa maling a konyana (Tšen. 7:14)?**